



„Savremena bosanskohercegovačka bajka“

Poštovani/a,

Izuzetna nam je čast i zadovoljstvo pozvati Vas na treću naučnu konferenciju „Savremena bosanskohercegovačka bajka“ koja će se održati **7. maja 2024. godine u Sarajevu**, Bosna i Hercegovina. Konferencija se organizira u okviru Festivala dječije umjetnosti (FEDU), prvog internacionalnog umjetničkog festivala za djecu u BiH i regionu, koji ove godine slavi značajan jubilej – 10. godišnjicu postojanja.

FEDU Sarajevo promovira umjetničko stvaranje za mlade a posebnu pažnju posvećuje žanru bajke. Primjetno je da je bosanskohercegovačka književna produkcija za djecu i mlade svake godine bogatija za nove naslove i zbirke u kojima dominira bajkoviti diskurs.

Stoga organizacijski odbor poziva da vaša istraživanja budu fokusirana na:

- fizionomiju savremenih bosanskohercegovačkih bajki
- uticaj elemenata usmene tradicije i/ili savremenog života na bajkovite narative
- zajedničke motive u bajkama bh. autora
- preklapanje motiva u široj matrici regionalne i evropske produkcije
- uticaj postmoderne na bosanskohercegovačku bajku na jezičkoj, stilskoj i/ili tematsko-motivskoj razini
- funkciju tipiziranih likova
- hronotop savremene bajke
- poetičke odlike bajke pojedinih autora...

Bosanskohercegovačku književnost za djecu bajkama su tokom XX stoljeća obogatili **Andelko Ristić, Ljerka Anić, Branko Ćopić i Ahmet Hromadžić**. Neki od ovih autora dijele dvojnu književnu pripadnost (bosanskohercegovačku/ hrvatsku/ srpsku) i čine sastavni dio dvije literarne zajednice. Njihovu tradiciju nastavljaju: **Bisera Alikadić, Rizo Džafić, Mirsad Bećirbašić, Jagoda Iličić, Šimo Ešić, Lidija Pavlović-Grgić, Muhidin Šarić, Marija Fekete-Sullivan, Fahrudin Kučuk, Aleksandra Čvorović, Ranko Risojević, Zejčir Hasić, Ismet Bekrić, Mirzana Pašić Kodrić, Ferida Duraković** i mnogi drugi. Namjera je promovirati stvaralaštvo pomenutih autora i propitati status žanra u odnosu na recentnu domaću, regionalnu ali i svjetsku književnu produkciju.

Pozivamo predstavnike akademske zajednice, istraživače i sve zainteresirane da svojim izlaganjima doprinesu osvjetljavanju značajnih karakteristika i specifičnosti bosanskohercegovačke bajke i njenih autora.

Temu i sažetak izlaganja na bosanskom/hrvatskom/srpskom i engleskom jeziku molimo da dostavite na e-mail adresu fedu.naucniskup@gmail.com najkasnije do 20. aprila 2024. godine. Radovi predstavljeni na naučnom skupu će biti objavljeni tokom 2024. godine u zborniku radova pripremljenim u skladu s referentnim standardima za publikacije ove vrste.

Predsjednica organizacijskog odbora
Prof. dr. Vildana Pečenković